

Ո Ր Ո Շ ՈՒ Մ N 350

վարչական վարույթը վերսկսելու և

վարչական տույժ նշանակելու մասին

23 դեկտեմբերի 2021թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հայկ Միրզոյանս, քննելով Հայաստանի Հանրապետության քաղաքացի Մեսրոպ Ռաֆիկի Կյուրեղյանի (անձնագիր՝ AS0575699, ծնվ.՝ 05.03.1958թ., հասցե՝ Շիրակի մարզ, գ.Աշոցք, 7-րդ փող., 6 փկղ., տուն 5) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Մեսրոպ Ռաֆիկի Կյուրեղյանի անվամբ 05100022/261219/0000607968 մաքսային մուտքի օրդերով 91 օր ժամկետով՝ մինչև 26.03.2020թ., (այնուհետև, Եվրասիական տնտեսական հանձնաժողովի 05.04.2021թ. թիվ 25 որոշման համաձայն այն երկարաձգվել է մինչև 30.09.2021թ.) Հայաստանի Հանրապետություն է ներմուծվել LAND ROVER DISCOVERY II մակնիշի, ZZ885CC պետհամարանիշի, SALTY12472A770083 նույնացման համարի, 2002 թվականի արտադրության ավտոմեքենա: Սահմանված ժամկետում նշված ավտոմեքենան չի արտահանվել, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի պետի տեղակալի կողմից 05.10.2021 թվականին Մեսրոպ Ռաֆիկի Կյուրեղյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով: Գործի քննությունը նշանակվել է 2021թ. նոյեմբերի 22-ին, ժամը 11:30-ին:

ՀՀ ՊԵԿ Հյուսիսային մաքսատուն-վարչության պետի 22.11.2021թ. որոշմամբ Մեսրոպ Ռաֆիկի Կյուրեղյանի վերաբերյալ հարուցված վարչական գործի վարույթը կասեցվել է:

ՀՀ ՊԵԿ Հյուսիսային մաքսատուն-վարչության պետի 08.10.2021թ. թիվ Ն/27.2/181605-2021 գրությամբ հարցում է կատարվել ՀՀ ՊԵԿ ներքին անվտանգության վարչություն Մեսրոպ Ռաֆիկի Կյուրեղյանի սահմանափակումների վերաբերյալ տեղեկատվություն ստանալու վերաբերյալ: ՀՀ ՊԵԿ ներքին անվտանգության վարչության 12.10.2021թ. թիվ Ն/2-3/182861-2021 գրությամբ տրամադրված տեղեկությունների համաձայն Մեսրոպ Ռաֆիկի Կյուրեղյանը 26.12.2019թ.-ին Բավրայի անցակետով ժամանել է ՀՀ:

Սույն վարույթի շրջանակներում ՀՀ ՊԵԿ Հյուսիսային մաքսատուն-վարչության պետի 15.11.2021թ. թիվ /27.2/73008-2021 գրությամբ հարցում է կատարվել ՀՀ ԱՆ իրավաբանական անձանց պետական ռեգիստրի գործակալություն Մեսրոպ Ռաֆիկի Կյուրեղյանի՝ պետական ռեգիստրի գործակալությունում գրանցված լինելու վերաբերյալ: ՀՀ ԱՆ իրավաբանական անձանց պետական ռեգիստրի գործակալության 25.11.2021թ. թիվ /25.8/38118-2021 գրությամբ տեղեկացվել է, որ Մեսրոպ Կյուրեղյանի վերաբերյալ իրավաբանական անձանց պետական միասնական գրանցամատյանում առկա է հետևյալ գոառումը՝ 02.07.2008թ. մինչև ընկերության լուծարումը հանդիսացել է «Դարի Կապիտալ» ՍՊԸ մասնակից և գործադիր մարմնի ղեկավար: Ընկերության գտնվելու վայրի և գործադիր մարմնի ղեկավարի հասցե նշված է Շիրակի մարզ, գ.Աշոցք:

ՀՀ ՊԵԿ Հյուսիսային մաքսատուն-վարչության պետի 16.11.2021թ. թիվ 1/27.2/73217-2021 գրությամբ հարցում է կատարվել ՀՀ կադաստրի կոմիտե՝ Մեսրոպ Ռաֆիկի Կյուրեղյանի անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի 22.11.2021թ. թիվ ՄԽ10818-2021 գրությամբ տեղեկացվել է, որ ըստ Կադաստրի կոմիտեի էլեկտրոնային արխիվի տվյալների՝ քաղաքացի Մեսրոպ Ռաֆիկի Կյուրեղյանի անվամբ Շիրակի մարզ, համայնք Աշոցք գյուղ Աշոցք, 9 փող., թիվ 8 բնակելի տան նկատմամբ գրանցված է սեփականության իրավունք:

Մեսրոպ Ռաֆիկի Կյուրեղյանի վերաբերյալ հարուցված վարչական վարույթի քննությունը նշանակվել է 23.12.2021թ.-ին ժամը 12:00-ին, որի մասին վերջինիս վերոնշյալ հասցեներով ուղարկվել է ծանուցումներ:

Մաքսային միության մաքսային օրենսգրքի 281-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգի գործողությունը եզրափակվում է՝ մինչև ժամանակավոր ներմուծման ժամկետը լրանալը ժամանակավոր ներմուծված ապրանքները սույն Օրենսգրքով նախատեսվող կարգով և պայմաններով «վերաարտահանում» մաքսային ընթացակարգով ձևակերպելու միջոցով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում» ազատ

շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Մեսրոպ Ռաֆիկի Կյուրեղյանի անվամբ թիվ 05100022/261219/0000607968 մաքսային մուտքի օրդերով հայտարարագրված տրանսպորտային միջոցը սահմանված ժամկետի ավարտին հաջորդ օրվա՝ 01.10.2021թ. դրությամբ «Ներքին սպառման համար բացթողում» մաքսային ընթացակարգով հայտարարագրելու դեպքում՝ կառաջանան մաքսային վճարներ՝ ընդհանուր 12.800.604 ՀՀ դրամի չափով (հիմք՝ 14.10.2021թ. թիվ 592 զեկուցագիր):

Այսպիսով, վարույթի նյութերով հիմնավորվում է, որ Մեսրոպ Ռաֆիկի Կյուրեղյանը սահմանված ժամկետում չի արտահանել 05100022/261219/0000607968 մաքսային մուտքի օրդերով ՀՀ ներմուծված ավտոմեքենան, ինչով պայմանավորված՝ թույլ է տվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ, 206-րդ, ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով և «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով՝

Ո Ր Ո Շ Ե Ց Ի

1. Մեսրոպ Ռաֆիկի Կյուրեղյանի վերաբերյալ հարուցված վարչական վարույթը վերսկսել:
2. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար Մեսրոպ Ռաֆիկի Կյուրեղյանին ենթարկել վարչական պատասխանատվության՝ տուգանելով 12.800.604 ՀՀ դրամ մաքսային վճարների 50 տոկոսի չափով՝ **6.400.302 ՀՀ դրամ** (տուգանքն անհրաժեշտ է վճարել 900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մաքսատուն-վարչություն, ԿՈՂ 28):
3. Որոշման մասին հայտնել Մեսրոպ Ռաֆիկի Կյուրեղյանին:
4. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՀԱՅԿ ՄԻՐԶՈՅԱՆ